



**Quæstionum Canonicarum, In Quinque Libros
Decretalium, Tomus ...**

In Librum I. Decretalium, Per quadraginta, & tres Titulos distributum, in
quo agitur De Constitutionibus, Seu Legibus universim ...

Krimer, Ferdinand

Augustæ Vindelicorum, 1706

Quæstio VIII. In Tit. VIII. De Autoritate, Et Usu Pallij.

[urn:nbn:de:hbz:466:1-73031](https://nbn-resolving.org/urn:nbn:de:hbz:466:1-73031)

QUÆSTIO VIII.

IN TIT. VIII. DE AUTHORITYTE,
ET USU PALLIJ.

2056. **C**Um nonnulli, qui postulatione, vel electione præficiuntur Ecclesijs, acquirant jus gestandi suæ dignitatis insignæ, quod *pallium* vocatur, de illius authoritate, & usu præsentit titulo agitur; quo communiter decorantur Archi-Episcopi; & ob id *Archi-Episcopale pallium* vocari solet, & sic describitur à Sanchez tom. 2. opusc. lib. 7. cap. 1. dub. 16. n. 1. est ornamentum, ad modum stola sacerdotalis, crucibus nigris intextum, super alia ornamenta delatum, humeros (ad instar coronæ) pectusque circumdans, ante dependens. Successit loco Rationalis, quo summus Sacerdos in lege veteri ornabatur, ut docet S. Thomas in 4. dist. 24. q. 3. ad 5. ubi addit, datum esse pallium Archiepiscopis pro torque, victoribus dari solito.

2057. Quæstio 1. est, quid hinc veniat nomine *pallij*? & nomine *pallij* venire hinc præcipuum insignæ, & ornamentum Archiepiscoporum (Primatum etiam, & Patriarcharum) de corpore S. Petri sumptum, c. *significasti*, 4. de elect.) quo Pontificalis officij plenitudo, cum appellatione nominis Archiepiscopalis confertur c. *nisi specialis*, hic. Dicitur sumptum de corpore B. Petri, vel quia à solo Romano Pontifice, B. Petri Successore, est accipiendum, non ab alijs, nisi ex privilegio, ut notat Barb. in c. *significasti* cit. nu. 16. vel quia benedicatur, & consecratur à Papa super altari S. Petri; & ille, cui competit jus *pallij*, vel per se, vel per alium, se absente, recipit de altari, juxta gloss. V. corpore, in c. *significasti*: cit. vel denique, quia *pallium* significat veluti particulam potestatis Ecclesiasticæ, derivatam ex plenitudine potestatis Pontificiæ, in B. Petro, ejusque Successoribus residentis. Nam Prælati, inferiores Papæ, non in plenitudinem potestatis, sed in partem sollicitudinis pastoralis sunt vocati, c. *qui se*, 2. q. 2. ad honorem, h. tit. quæ pars denotatur per *lanam ovium*, ex qua *pallium* conficitur; Layman in c. *ad honorem* nu. 4. Dicitur, eo conferri Pontificalis officij plenitudo. Nam electus in Archiepiscopum, ante acceptum

pallium (esto post confirmationem suam, & consecrationem appellari possit *Metropolitanus*, arg. c. *Suffraganeis*, de elect.) *Archiepiscopus* tamen appellari non potest, c. *nisi specialis*, cit. nec Virgines consecrare, nec Christum conficere &c. Barb. in c. *suffraganeis* cit. n. 3. Porro *pallij* forma est, vettis candidæ, ex alba lana contextæ, in modum coronæ, seu circuli, pectus, & humeros circumdantis, quatuor nigris vel purpureis crucibus distinctæ, & anteriore parte non nihil dependentis; sic Azor p. 2. instit. mor. lib. 3. c. 34. q. 1. ejus usus antiquissimus est, eodem teste; ac originem habet ab ipsis S. Petri discipulis, & mysticam ejus significationem exponit Abbas in Rubric. hujus tit.

2058. Quæstio 2. est, à quo peti, & conferri possit *pallium* Archiepiscopale? & à nemine conferri posse propria authoritate, quàm à Papa, c. *significasti* cit. cum enim Patchalis Papa, per Aprocrisarios, seu Referentes suos *pallium* misisset Archiepiscopo Panormitano, tali conditione, ut in verba, sibi præscripta, juramentum Apostolicæ Sedi præstaret, & Reges regni-que Proceres id admirantes, ostenderent, id fieri non debere 1. quia traditio potestatis spiritualis (quæ per *pallium* *Archiepiscopale* significatur juxta c. *ad honorem* 4. de author. & usu *pallij*) purè fieri debet, non sub conditione, sive gravamine imposito; Secundo, quia Christus Dominus Matth. c. 5. v. 34. præcepit, non jurare omnino: Tertio, quia neque ab Apostolis, neque in Concilijs tale juramentum præceptum esse, reperitur: respondit Pontifex ad 1. Sicuti Christus B. Petrum, Ecclesiæ Pastorem constituturus, ab ipso conditionem, promissionemque exegit dilectionis; ita Sedes Apostolica ab alijs, quos in partem pastoralis officij adscribit, conditionem, ac promissionem fidelitatis, unitatis, & obedientiæ exigere solet.

2059. Ad 2. Quòd Christus in eo loco significare voluit, juramentum originem habere ex malo, sive peccato: quamobrem si homines fidem, & obedientiam servarent,

rent, juramento nullo opus esset: cum itaque in Eiscopis non semper fides, sinceritas, & obedientia constiterit; quin imò aliquis reperiri sint, qui etiam post præstitum juramentum defecerunt; ideo cogitur Pontifex juramentum pro fide, unitate, & obedientia exigere. Ad 3. Quòd Concilia Romana Ecclesie legem non præfigant: cum omnia per Romanæ Ecclesie auctoritatem facta sint, roburque acceperint; & ideo in eorundem statutis, Rommani Pontificis auctoritas, semper excepta intelligatur.

Ex his expositis concludit: quandoquidem Archiepiscopus à Romana Apostolica Sede, pallium, tanquam insignia dignitatis petat, accipiatque, quæ à D. Petri corpore desumuntur; ideo æquum esse, ut Archiepiscopus vicissim debitæ subjectionis signa, præstito juramento, exhibeat, quibus declaretur, quòd sit membrum in corpore Ecclesie, cum alijs membris, & ipso Capite Christo, ejusque in terris Vicario coherens, unitatemque conservans; ita explicat Hostiensis, & Joann. And. hic nu. 12. & 13. Licet enim olim quatuor Patriarchæ Principales, Constantinopolitanus, Antiochenus, Alexrandinus, & Jerusalemitanus (postquam ipsi à Papa receperunt pallium, præstito eidem fidelitatis, & obedientiæ juramento) licitè suis suffraganeis pallium largirentur, recepta ab eis pro se professione Canonica (obedientiâ scilicet, & reverentia) & pro Ecclesia Romana sponsione obedientiæ, c. antiqua, 23. de privil. & gloss. ibi: V. professionem; nihilominus tamen id tunc non agebant, nisi auctoritate, concessione, vel privilegio à Sede Romana concessio, ut notat Abbas in c. significasti num. 9. Nunc verò pallium Archiepiscopis confert solus Papa; sic Azor cit. q. 4. Ex quo patet, à quo nunc peti debeat?

2060. Quæstio est 3. quibus competat pallium? Resp. pallium de jure competere 1. summo Pontifici, c. ad honorem, 4. h. t. ibi: Sanè solus Romanus Pontifex in missarum solemnij pallio semper utitur, & ubique: quoniam assumptus est in plenitudinem Ecclesiasticæ potestatis, quæ per pallium significatur: alij autem eo, nec semper, nec ubique; sed in Ecclesia sua, in qua jurisdictionem Ecclesiasticam acceperunt, certis debent uti diebus; quoniam vocati

Tom. I.

sunt in partem sollicitudinis, non in plenitudinem potestatis: secundo, quatuor Patriarchis; tertio Primatibus; quarto, Archi-Episcopis, c. 1. h. t. dist. 100. ubi Pelagius ait, intra tres menses fidem suam exponi, & pallium à Romana Ecclesia postulari debere per Metropolitanum; & c. 2. ead. ubi Gregorius, prisca consuetudo, inquit, obtinuit, ut honor pallij, nisi exigentibus causarum meritis, & fortiter postulanti dari non debeat; post professionem fidei, & juramentum fidelitatis, ac obedientiæ. Sedi Apostolicæ, c. optatum, dist. ead. c. significasti, de elect. Episcopis autem convenit vel ex solo privilegio, vel longa consuetudine; Sic Episcopo quinque Ecclesiensis in Ungaria tradebatur, vel mittebatur olim, c. Cum in juventute, de præsumpt. Bambergensi, in Germania; Ostiensi, in ostijs Tiberinis; Decano Collegij Cardinalium, qui Papam consecrat; Papiensi, in Longobardia; Lucensi, in Tuscia; Sic Azor cit. q. 3. Hostiensis hic n. 3.

Quæstio est 4. intra quod tempus, & qua forma petendum sit pallium? Resp. Archi-Episcopos pallium debere petere intra tres menses à die consecrationis, si petens ante non fuit consecratus; vel, si jam fuit, à die confirmationis, cessante iusto impedimento; habetur c. quoniam. 1. dist. 100. ubi dicitur, quòd, si talis Metropolitanus, ultra tres menses, pallium petere neglexerit, commissa sibi careat potestate, sitque Metropolitanis alijs licentia, post secundam, & tertiam commonitionem, viduatis Ecclesijs (sic enim vocantur Ecclesie, ad quas eligitur Archi-Episcopus, ante receptionem pallij, Hostiens. hic n. 1.) cum consensu Romani Pontificis ordinando Episcopos, subvenire.

Præter hæc not. 1. cum in c. Prisca. 2. dist. 100. dicitur: ex prisca consuetudine pallium dari non debere, nisi instanter, seu fortiter postulanti; ut pallium dicatur instanter peti, sufficere unam petitionem, qua vel per se, vel per aliū, qui ad hoc mandatū habeat, petitionem exhibeat sub forma: Ergo N. relectus N. peto instanter, instantius, instantissime &c. ut habet Barb. cit. formam verò, qua confertur pallium, vide apud gloss. in cap. ad honorem; & Hostiens. cit. num. 3. solent autem unà cum pallio transmissio nova quædam privilegia dari, vel saltem antiqua confirmari, cap.

M m m

Ratig.

Rationis Ordo. 8. cum duobus seq. dist. 100. tertio, pallium non necessario recipi de altari consecrato in honorem D. Petri; hinc etiam sumi potest de altari Capellæ Pontificiæ, vel de quocunque, ex mandato Papæ; sic Hostiens. *cit. num. 3. in fin.* Mittitur autem quandoque per Aporifarios, seu secretos nuntios Romanæ Curia etiam non petenti, de mera gratia, ut notat Hostiens. *cit. nu. 4. & c. Bonæ 2. §. fin. de postul. Pralat.*

Not. 2. traditionem pallij, deinceps faciendam iis, qui ad regimen Ecclesiæ Metropolitanæ, vel alterius assumuntur, non impediri per objectionem criminis, aut defectus, nisi objiciens, præstito corporali juramento, se malitiosè id non agere, sed objecta vera esse credere, promptam de de objectis fidem faciat; scilicet *intra bimestre*, à die collationis numerandū, objecta legitimè probet, & ad poenam talionis, vel extraordinariam, se arbitrio Judicis obliget. Extravag. *unic. inter communes h. t.* per hoc tamen, quòd traditio pallij, non obstantibus objectionibus facta sit, nullum præjudicium generatur viæ accusationis, denuntiationis, vel inquisitionis; *ibid.* ne scilicet pallium detur, nisi dignis, & bene meritis, *cap. prisca, dist. 100.*

2062

Quæstio est 5. *ubi liceat uti pallio?* R. summo Pontifici licitum esse pallij usum *semper*, & *ubique in missarum solennijs* (ut dixi n. 2060. & habetur *c. ad honorem, 4. h. tit.*) alijs autem inferioribus *in Ecclesia tantum sua*, in qua jurisdictionem Ecclesiasticam obtinent, & *certis solum diebus, c. ad honorem cit.* Dixi *in Ecclesia tantum sua*, nimirum *Cathedrali*, & qualibet alia *intra provinciam sibi commissam, c. cum super, hic & Barb. ibi num. 1. non autem extra.* Nam *in cit. c.* expressè dicitur, quòd, si sacris indutus sit *extra suam Ecclesiam* (quæ hic stat pro omni Ecclesia non tantum dicecesis, sed etiam commissæ provinciæ, *cap. cum super, Pirhing cit. §. 2. nu. 8.*) v. g. in solenni processione, pallio eum uti non debere.

Nec obstat, *in c. cum sis, 6. h. t.* expressè dici, Archiepiscopum, *ubicunque fuerit, in missarum solennijs constitutum, diebus solennibus, usum pallij posse liberè exercere.* Nam *ly ubicunque* restringi debet ad ad jus datum in *c. cum super 1. h. tit.* ni-

mirum *ubicunque, & in qualibet Ecclesia sua provincia* (jura enim juribus concordanda sunt, *c. cum expediat, 29. de elect. in 6.*) sic gloss. in *c. cum sis, V. ubicunque, Barb. ibid. num. 2.* aliud est de iis, qui utuntur suis insignibus extra provinciam, extra quam mittuntur à suo Principali, ut ejus nomine exerceant suam jurisdictionem, ut Proconsul, aut Legatus Papæ; Archiepiscopis enim committitur exercitium jurisdictionis *sue*, intra provinciam tantum suam; non extra, *c. cum super, de quo supr.*

Not. præterea, Archiepiscopum non posse uti pallio, etiam in sua provincia, *extra Ecclesiam*, v. g. si celebret ex aliqua etiam causa, vel necessitate, in domo privata, in castris &c. ita gloss. *margin. in c. cum sis; Joann. Andr. hic num. 3.* quia (ut dicitur, *c. ad honorem, hic, c. quia nos, eod. & c. pallium, dist. 100.*) pallium datur ad usum *intra sola missarum solennia*; nec de ullo propè Metropolitanano auditum est, extra missarum tempus, usum sibi pallij vindicasse, *c. contra, eod.* excipe tamen 1. Synodum, in qua uti pallio potest Archiepiscopus, juxta gloss. *in cit. c. pallium. 2.* si solenniter celebraret in portatili, præ foribus Ecclesiæ non capientis populum. Ubi tamen attendi debet consuetudo talis Ecclesiæ.

Not. 3. *consuetudinem utendi pallio in aliena provincia, etiam immemoriam* (seclusò privilegiò, seu formâ privilegij Apostolici) etiam si contingat, aliquem ibi esse etiam frequenter, & ex causa, *corruptelam* esse, & reprobati, *c. ex tuarum cit.* ibi refertur in tali casu id concessum Archiepiscopo Compostellano in duobus tantum casibus, & de assensu Episcopi, ad quem pertinet talis Ecclesia; quia usus pallij extra provinciam, seclusò privilegio, est contra formam, atque substantiam, qua confertur pallium; consuetudo autem contra substantiam, seu formam substantialem rei, non valet, arg. *c. 2. de consuetud. in 6. junct. gloss. margin.* ubi reprobatur *consuetudo appellandi ab officiali ad Episcopum*; quia est contra substantiam appellationis, quæ essentialiter est ab inferiore ad Superiorem, & distinctum.

Quæstio est 6. *quando uti liceat pallio?* R. *quod certis solum diebus*, nimirum solennibus secundum receptam consuetudinem

2063

dinem

dinem cujuslibet Ecclesie Metropolitanae, cit. c. ad honorem. 4. & c. cum sis. 6. h. tit. ibi: ubicunque fueris, in missarum celebrationibus constitutus, diebus solennibus usum pallij, per quod plenitudo Pontificij designatur, poteris liberius exercere. Illi porro dies certi, & solennes, juxta gloss. in c. ad honorem, v. cod. & Hostiens. in summa hic num. 5. sunt Nativitas Domini, festa S. Joannis, Stephani, Circumcisionis, Epiphaniae, Dominicæ Palmarum, Cænæ Domini, Sabbathi sancti, trium dierum paschaliū, Ascensionis, Pentecost. S. Joannis Bapt. & omnium Apostolorum. Item tres (vel ut vult Hostiensis) quatuor festivitates B. V. S. Michaelis, omnium Sanctorum, Dedicationis Ecclesie, festa principalia Ecclesie Archiepiscopalis. Item in die Ordinationis Clericorum, & consecrationis Episcoporum, ac anniversario consecrationis Archiepiscopi; ita Pirhing h. tit. 12. hæc autem intellige, cum celebrat solenniter; si enim tali die celebret non solenniter, scilicet non in Pontificalibus; sed v. g. privatim solum, non est necesse, eum uti pallio, ut patet ex dictis.

2064. Quæstio est 7. quam authoritatem conferat traditio pallij? sive, quid juris, & potestatis Archiepiscopus consequatur ex facta sibi traditione pallij? R. 1. quod consequatur penititudinem officij Archiepiscopalis. 2. ut nominari possit Archiepiscopus, c. nisi specialis. 3. h. tit. ibi: sanè, si postulatio Trojani Episcopi, ad Panormitanam Ecclesiam, fuisset per nos etiam approbata, non tamen deberet se Archiepiscopum appellare prius, quam à nobis pallium suscepisset, in quo Pontificalis officij plenitudo, cum Archiepiscopalis nominis appellatione, confertur. Plenitudo autem officij Archiepiscopalis in eo consistit, quod possit exercere omnes actus ordinis, vel jurisdictionis, proprios Archiepiscopalis dignitatis. Eos enim actus ordinis ante pallij acceptionem exercere non potest (esto sit confirmatus, & consecratus) nisi inter missarum solennia, vel saltem in Episcopalibus insignibus; idem dic de actibus jurisdictionis majoris, quos, non ut simplex Episcopus, sed tanquam Archiepiscopus facere videtur. Tales sunt, convocare Concilium provinciale, visitare provinciam &c. c. quod sicut, 28. de elect. ubi etiam di-

Tom. I.

citur, quod Archiepiscopo, sine pallio, non liceat conficere Chrisma, dedicare Basilicas, ordinare Clericos, & Episcopos consecrare.

Dices: ergo si Archiepiscopus aliquis, jam confirmatus, & consecratus, nondum accepto pallio rogetur ab alio dicecesano, ut conferat predictos actus in hujus dicecesi, non poterit hoc licite facere; quia faceret sine pallio, quod non licet, per c. quod sicut; nisi dicas, eum posse uti pallio alieno. Resp. talem Archiepiscopum extra suam dicecesin, non posse uti ullo pallio; non suo; cum id non habeat; & alius Papà inferior ejus illi usum conferre non possit, ex c. ad hæc 2. h. tit. ubi Celestinus III. quia quæsitum est à nobis ex parte tua, utrum liceat tibi pallium tuum Metropolitanano alij commodare: inquisitioni tuæ respondemus, quod non videtur esse conveniens, ut pallium tuum alicui commodes: cum pallium in personam non transeat, sed quisque cum eo debeat, sicut uia novit discretio, sepeliri.

Resp. 2. eum posse sandalijs, & alijs Episcopalibus ornamentis indutum, etiam sine pallio, in tali casu conferre ordines, & exercere illos actus de licentia ordinarij in aliena dicecesi, qui sunt tantum potestatis Episcopalis; ad hoc enim non requiritur pallium; & extra provinciam suam non agit, ut Archiepiscopus, sic Hostiensis hic nu. 6. quod autem dicitur in c. quod sicut, procedit de actibus illis exercitis ab eo, ut Archiepiscopo, consequenter intra provinciam suam; ita idem loc. cit. R. 3. usum pallij esse personalem, consequenter neminem uti posse pallio alieno; etiam cum alterius venia, ut dicam num. seq. & docet Barb. in c. ad hæc, hic n. 4. ne quidem ut cum eo sepeliatur; sic idem; ut dictum est ex c. ad hæc.

2065. Quæstio est 8. an pallium ad alios transferri potest? R. negativè; quia pallium est privilegium quasi personale, concessum scilicet personæ cum restrictione ad locum, & certos dies, c. ad hæc, relato preced. n. hinc extinguitur cum persona; & alteri commodari nequit, sed cum defuncto sepeliri debet, c. ad hæc, cit. & Barb. ibidem. Unde sequitur. 1. Archiepiscopum unum cum alterius pallio non posse sepeliri; Barb. cit. num. 2. nec eo uti, c. cit. nimirum ad usum Pontificialem; Lay-

man in c. *ad hæc n. 2.* secus ad alium usum, v. g. ut ad ejus formam fiat aliud.

Not. autem præterea, esto pallium ad hæreat personæ, & eam non egrediatur, ut dicitur c. *ad hæc*; si tamen personæ conceditur *ratione dignitatis suæ*, tum attendere debere ad privilegia Ecclesiæ suæ. Nam si hæc habeat, ut suus Archi-Episcopus, v. g. quater in anno, licitè pallium gesset in processionibus publicis, etiam *eodem privilegio*, sed non pallio, *eodem numero*, uti poterit successor; Layman in c. *ad hæc n. 2.* Nam sic usus pallij, *tali die*, est dignitatis, quæ non expirat; usus autem *hujus numero pallij*, est personæ. Hinc si quis, habens pallium, ab una Ecclesia transferatur ad aliam, cui etiam competit jus pallij, non poterit priore uti, sed debet novum obtinere, c. *Bona 2. de postul. Pralat.* nam primum datum est personæ, cum restrictione ad locum, ut patet ex forma, qua confertur. Unde sicut, cum Archi-Episcopus renuntiat loco, seu Archi-Episcopali Ecclesiæ, perdit usum pallij concessi pro tali Ecclesia, c. *ad Supplicationem 9. de renunt. & gloss. in cit. c. Bona V. pallium*: sic cum à priori Ecclesia recedit, & transit ad aliam.

2067. Ex hoc colliges 1. cum unus Archi-Episcopus ab una Ecclesia transit ad aliam, hujus successorem non posse uti illius pal-

lio; quia non egreditur illius personam, c. *ad hæc*; 2. illum in nova provincia non posse uti pallio sibi concessio pro priori Ecclesia, ut superius dixi 3. prius illud pallium non remanere in ea Ecclesia, à qua abit Archi-Episcopus prius palliatus; sed ab ea auferri, at sine illius usu; & si novum obtineat pro Ecclesia, ad quam est translatus, debere illum sepeliri cum utroque; sic, ut vel posterius primo superimponatur; vel, quod magis congruit, primum capiti ejus, & corpori subjiciatur; postremo autem induatur; ita Barbofa in c. *ad hæc, 2. hic n. 3. Azor instit. mor. p. 2. l. 3. c. 3. q. 8.*

Not. 2. ad quæstionem, *an Archi-Episcopus à prima Ecclesia*, ubi habuit pallium, *translatus ad secundam*, ac in eadem adeptus alterum, uti possit primò, si veniat Pape, relicta Ecclesia secundà, redeat ad primam? Resp. primum videri posse, si redeat per restitutionem; secus si per relationem; in primo enim casu redit ad idem jus ante habitum. Ad alteram quæstionem, *an, si casu, vel incendio pereat Archi-Episcopo pallium*, absque hoc exercere possit Pontificalia? Resp. affirmativam tradi per Rodericum à Cuncha *in Comment. ad c. pallium, dist. 100. n. 5.* apud Barbof.

in c. nisi specialis. hic nu. 4.

QUÆSTIO IX.

IN TITULUM IX. DE RENUNTIATIONE.

2068. **P**ræmissis tribus modis, quibus acquiritur potestas Ecclesiastica, scilicet postulatione, electione, & translatione; nunc agitur de modo eandem amittendi. Varijs quippe modis contingit *vacare* dignitates, & beneficia Ecclesiastica 1. per mortem naturalem 2. per mortem civilem; 3. per pacificam adeptionem beneficii incompatibilis cum priori, 4. per viam voluntariæ permutationis; 5. propter varia crimina; 6. per renuntiationem, de qua in præsentia.

ARTICULUS I.

Quid, & quotuplex sit renuntiatio?

2069. **R**enuntiatio, in sua proprietate, & generalitate, est rei, vel juris sponta-

nea refutatio: & potest fieri per quemlibet de re sua, vel jure proprio; *L. si quis in scribendo C. de pactis.* Illum, quem Latini dicunt, ejurare beneficium, scilicet cum jurejurando interposito beneficio se abdicare, Canonistæ dicunt *resignare* beneficium, vel *renuntiare*, vel *cedere* beneficium. Hinc, sine ullo discrimine usurpatur in jure *beneficij renuntiatio, resignatio, & cessio*, ut ex gloss. tradit Azor. *p. 2. lib. 7. cap. 18.* apud quem *q. 1.* hujusmodi renuntiatio, vel resignatio sic definitur: *est voluntaria beneficij dimissio, sive repudiatio coram Ordinario, legitime facta.* Hæc abdicatio fieri potest. 1. vel *tacitè*, vel *expressè*. Tacita fit, juris dispositione, absque ulla verborum expressione; ut, si quis matrimonium ineat: si lite super beneficio mota